



Headline: 209 kes Macau Scam di Sarawak
Publication/Portal: Sinar Harian
Date: 1 March 2019

Language: Malay
Section: Nasional
Page: 12

209 kes Macau Scam di Sarawak

KUCHING - Sebanyak 209 kes Macau Scam dilaporkan dalam tempoh Januari hingga Disember 2018 melibatkan jumlah kerugian melebihi RM10.3 juta di Sarawak.

Ketua Jabatan Siasatan Jenayah Komersil Sarawak, Superintendan Mustafa Kamal Gani Abdullah berkata, bagi tempoh 1 Januari hingga 26 Februari 2019 pula, 15 kes Macau Scam dilaporkan melibatkan jumlah kerugian melebihi RM143,067.62.

Menurutnya, sebanyak 49 tangkapan telah dibuat pada 2018 dan 15 tangkapan pada 2019.

"Pihak polis masih menjalankan risikan untuk membanteras dan menggempur sindiket Macau Scam," katanya.

Kes terbaru Macau Scam dilaporkan berlaku di negeri ini ialah pada 15 Februari lalu, diikuti di daerah Sarikei pada 26 Februari.

Mustafa menasihatkan orang ramai sentiasa berwaspada dan tidak mudah terpedaya dengan tipu helah pihak tertentu yang menyamar sebagai pegawai atau anggota polis dan lain-lain jabatan/agensi kerajaan.

- *Bernama*